

溫柔而志存彊少言而論中竅口未嘗言人長短至教導後生則娓娓不倦第
燈讀書常徹鷄鳴寒暑如一事母孝養家無嗚嗚之聲生家三世以儒醫仕君
生少近侍顯德公今侯尚為世子今生授經子句讀生既優儒學醫方又精遠
西之學務業益萬著書益多名聲益起爵祿益加豈止不墮先聲云耳哉生嘗
僦居茅場町宅中有槐樹成蔭故門弟子相稱以槐園先生云內科撰要十八
卷已行于世侯特賜金佐刻費其餘遠西名物考東西病考遠西草木畧西洋
醫言蘭畝傲載蘭諱弁髦西文矩等諸篇歲在篋笥生以寶曆五年十二月
廿七日歿以寬政九年十二月十八日享年四十三配松本氏生二男皆殤既
沒而以安岡氏之子名玄真為後葬于淺草誓願寺先塋側越明年秋九月玄
真立石其上乞辭於余余之於生辱蒙一日之長義不可以却乃為之銘其辭
曰
桑之弧兮蓬之矢嗶四方兮猶有窮文必同兮衽必右嗶天地兮終不通言異
宜兮道同歸家扶桑兮邦大塊思其人兮魂魄散思其道兮書篇在



勝保氏同藏書

洋学文庫
文庫 8
C 909
2